

**Sagi tə,
Zwakə
nə púpúní**

Zwakə sagi tə yuu wa sugv

Lìù tə, v nə púpúní sagi kv tə

Kv wàá kv yanı Zwezi nyánú Zwakə nə púpúní kv. V yın *Kərisə là púlí tə yáá tìán batwa tə wa lìù don *Zwerizalemə nə.

Lìà tə nə, v nə púpúní

Zwakə púpúní v sagi tə, v pa *Zwifə-ba nə, ba nə jigə *Kərisə là, də ba duən tə nə, ba nə tà Zwifə-ba, ba mə nə pwèe ba sú luv mama wa.

Sagi tə wa sugv

Nəjə kv tə yırı, v nə púpúní ba nə: Sagi kv tə yı yìèn tə nə cé duən yuu wa sugv, Zwakə ga wà tə lı v tún, sə ba lwarı nətv tə, tə nə púé duən kwa. Tə yìèn təntə nə yı:

yoo tə, kv nə pın ba lwarı lìù dèń, də v nə mə,

sə v píní wuuu, v dàn ká pìı v kə v kwa,

də wubɔŋa yoo,

də yıjɔnı yoo,

də jıjə tìán də zura yoo,

də lìù púé yokukwınan fıra yoo,

də yoo tə, kv nə dédén, sə kv yıgu lìù, kv pa v

tɔn yokukwıɔn yoo,

də Yı sugv tə də kv nii zılé yoo.

Yoo tə, Zwakə nə swə, sə v swın, kv mù nə yı nətv tə, *Kərisə là tə nə mə, sə ba ya dın

mama. U swìn zənzən yoo tə yuu wa, v nə tàà ku yiri, v púpúní v sagi tə: Nətv tə, liù nə ken v waa Zwezi nə, v nə mε, sə v tun, də v nə ba ku tutɔŋi tɔŋa, ku yi tutv.

Təntən jònà bwálí

¹ Á mù Zwakə nə púpúní sagi ku tə, à pɪn á mù *Zwifə-ba dwíé dəkuren fugə bələ tə nə, á nə dəri á zv luv tə mama wa. Á mù Zwakə nə jònì aba. Á yi Yu də *Yuu-Tiu Zwezi-*Kərisə tutɔnbiu.

Wɔbɔŋa yuu wa kàrà

(Romə tìán 5.3-5; Matìə 7.7-11)

² Á nubɪa-ba, á mε, sə á jə pupwən zənzən, də yìèn yirə tə mama, tə nə wá wɔwalɪ aba. ³ Ndə á nə yèé nətv də, á nə keni á waa Zwezi nə, á ga wà dɔgv tə yìèn tə mama wa, á wá ya lià tə, á nə jə pínú. ⁴ Á mε, sə á ja pínú mánjá mama, á ja va á gúrí tə yìèn tə mama wa. Yá á dàń wá ya lià tə, Yu yìèn tə nə bɪga á yuu wa, á ga sú tə mε wa cígá cígá, won də ga bá mùrì aba.

⁵ Yá də wɔbɔŋa nə mùrì á wa liù don, ku mε, sə v lòrì wɔbɔŋa Yu con. Yu yàá pa liù mama nə də cígá cígá, v ga ba caga. Yá Yu dàń wá pa tə ku tíú nə. ⁶ Liù tə, v nə lòrì Yu con, v mε, sə v pa cígá də, Yu wá pa ku tə, v nə lòrì. U mε, sə v dàń ká bèéé. Liù tə, v nə bèéé, ku tíú yi ndə nakuli nə, voo dàń nə yugə ku kəni, ku tə swə lá. ⁷⁻⁸ Ku mù ləzwənyiri təntə jə pwíí bələ. U ba təntian yoo jə, də ku tə mama, v nə fwa. Ku tíú wà mε, sə v bún də, *Yuu-Tiu wá pa wá won.

Zvri də jɨjə yuu wa kàrà

⁹ Liù tə, ɔ nə yɨ nə nubiu *Kərisə yɨri, wàá zvrɔ ɔ yanɨ, yá ɔ jə dun Yɨ yáá con. Kɔ m̀ nə pɨn, ɔ mɛ, sə ɔ bwi ɔ tìàn. ¹⁰ Jɨjə tíú wá tɨ, ndə gapuni nə. Kɔ m̀ nə pɨn, nə nubiu tə, ɔ də nə yɨ jɨjə tíú, ɔ də mɛ, sə ɔ bwi ɔ tìàn, Yɨ nə mun wá tə yɨri. ¹¹ Yɨcaɔ nə péɛn, kɔ lɨɨ nə mà gapuni nə, kɔ yáá tɨ kɔ k̀. Gav tə puni tə yáá tɔ, kɔ zəni tə ga jén. Mə kɔ wá ya nətɔ, kɔ pa jɨjə tíú nə. Ʋ də wá tɨ ɔ jén, ndə gapuni tə nə. Kɔ yoo təntə wá tɔn ɔ tutɔnan tətəɨi wa.

Yɨ ba liù yigə, ɔ pɨn ɔ tɔɲa yokɔkwɨɔn

¹² Pupwəɛn liù nə yɨ liù tə, ɔ nə jɨn pínú də yìèn tə nə dédén, sə tə yigu wá, sə tə pa ɔ tɔn yokɔkwɨɔn. Ʋ nə pían ɔ dìàn wɔwalɔ tə ɔ zwèe, ɔ wá na mɨ, kɔ nə ba zwèe Yɨ con, yupuu. *Yuu-Tiu nə kàn nii də, ɔ wá pa kɔ mɨ təntə là tə nə, ba nə swə wá. ¹³ Mánǎ tə, yoo nə dédén, sə kɔ yigu liù, sə kɔ pa ɔ tɔn yokɔkwɨɔn, ɔ wà mɛ, sə ɔ swìn də, kɔ yɨ Yɨ nə tɔn kɔ ɔ nə. Liù wàri Yɨ ɔ dédén, sə ɔ yigu wá, ɔ pa ɔ tɔɲa yokɔkwɨɔn. Yá ɔ tətə bá dédén, sə ɔ yigu liù ɔ pa, sə kɔ tíú tɔɲa yokɔkwɨɔn. ¹⁴ Liù tətə pùé yokɔkwɨɔn fɨra nə yáá dédén, sə kɔ yigu wá, kɔ pa ɔ tɔn kɔ, yá kɔ dàɛ yáá gɨgarɨ wá kɔ kə cuna wa. ¹⁵ Kɔ kwa nə, pùé yokɔkwɨɔn fɨra tə dàɛ yáá jì cuna. Yá ɔ dàɛ nə tɔn cuna tə ɔ zwèe, tə dàɛ yáá ja tɨan tə bà.

Bwálí tə, yìèn nə zɨga tə dédén, sə tə yigu liù, tə pɨn ɔ tɔɲa yokɔkwɨɔn

(Zwan 3.27; Galasi tìàn 6.7-10)

16 À nubisoni-ba, á dànà ká gıgarı á tìàn!
 17 Tarpıon nözøju tø mama, dø cigá cigá zilé won yi kv naŋa Yu con. U mù Yu tørtø nø fwa poni. U mù Yu tørtø ba lwàní, ndø yıwara nø lwàní nøtv. 18 Yu twá v cigá sugv tø nø, v pa nøba mu. Yá v dàn pìà, sø nø ya ndø v tørtøn lià nø, wiøn tø mama yuu wa, v nø fwa.

*Nøtv tø, nø nø mε, sø nø tvn dø Yu sugv tø
 (1 Pıyerø 2.1-2; Matıø 7.21-27)*

19 À nubisoni-ba, á mε, sø á yøni dø, á liù mama mε, sø v dı v tìàn tıa, v ma cıgv ba duøn tø sugv. Kv wà mε, sø v bıbarı v swın. Kv wà mε, sø v lıŋa dø zàn lala. 20 Á yèó dø, liù lıŋa nø zàn, kv tíú bá fwa kv tø nø zıøn Yu yáá con. 21 Mø kv mù nø pın, á dán mε, sø á yá durøn yiri mama, dø wılvıŋv yiri mama. Yu ken v sugv tø á waa, ndø ba nø cwen tıú nøtv. Á mε sø, á cıgv kv sugv tørtø dø bıcabwanv. Yá sugv tørtø nø wá pa, Yu jon aba á cına wa.

22 Á mε, sø á fwa kv tø, Yu nø swın v sugv tø wa. Á dànà ká cıgv kv tø, Yu nø swın, cıci. Á nø bıŋa dø, ka cıgv tø cıci nø mε aba, á yi á tìàn nø á gıgarı. 23-24 Liù nø cıgv Yu sugv tø, v ga ba fwa, ndø kv nø wú nøtv, kv tíú yi ndø liù tø nø, v nø ywàñ v yáá zøŋø wa. U nø kèen v yá zøŋø tø, v swèé v yáá tø nø yi nøtv. Mø nøtv nø, kv pa liù tø nø, v nø cıga Yu sugv tø, v ga ba fwa ndø kv nø wú nøtv. 25 Yu sugv tø yi cigá sugv. Kv mù nø pın, liù tø, v nø ken v pubıŋa v sugv tørtø nø, v dán mε, sø v vwa v tìàn kv nø máná mama wuu. Yá kv mù nø wá pa, v tııı v

tìàn. Ku wà mɛ, sɛ ɔ cɔgɔ ku, ɔ ga pìí ɔ swèéé ku máná don wa. Ʋ mɛ, sɛ ɔ twá Yɪ sɔgɔ tɛ nɛ, dɛ ɔ waa mama. Ʋ mù liù tɛntɛ wá ya pupwɛn wa ɔ tutɔŋɪ mama wa.

²⁶ Liù tɛ, ɔ nɛ buŋa dɛ, ɔ twá Yɪ nɛ zɛni, ɔ ga ba ɔ nii janɪ, ɔ yɪ ɔ gɪgarɪ ɔ tìàn. Yá ɔ nɛ twá Yɪ nɛ, tɛ yɪ tutɔ. ²⁷ Liù tɛ nɛ twá nɛ nyɪna Yɪ nɛ dɛ pùé nɛɔɔ, ɔ bɪcan ga yɪ nɛpon, ɔ mɛ, sɛ ɔ fwa yìèn tɛ tɛ. Ʋ mɛ, sɛ ɔ san bitara dɛ kadɛnɛ nɛ, ba nɛ wulɛ pucɔnɪ wa. Ku tɛ sùrí lá, ɔ mɛ, sɛ ɔ dàn ká pa, lià tɛ, lɔɔ nɛ tɪ, ba cùgò wá.

2

Dàn ká ja liù, n ma kwanɪ ɔ don kàrà

¹ À nubɪa-ba, á ken á waa Zwezi-*Kɛrisɛ nɛ. Ʋ yɪ nɛ *Yuu-Tiu, ɔ ga jɛ dun dɛ. Á wà mɛ, sɛ á zìlí liù don, á ga yá ɔ don. ² Á nɛŋɛ yoo nɛ, sɛ nɛ ma man ku: Bɛɛ nɛ ɔ ken síán jɪfila, ɔ zu gànò, ku nɛ cɪcɪɪ, ɔ ja bà á jérɛ wa. Zuru don dɛ, ɔ nɛ zua gangwɪɔ, ɔ jɛ bà á jérɛ tɛ wa. ³ Á yàá zìlí bɛɛ tɛ, ɔ nɛ zua gànò, ku nɛ cɪcɪɪ tɛ, á swìn ɔ con, á wú: «Jèń yáá bwálí nɛzɛŋu tɛ wa!» Á ga swìn zuru tɛ con, á wú: «N mù, zɪɪ yɪ nɛ lá con!» Nɛ à yèé: «Jèń tɪa à nɛɛ dèń!» ⁴ Á cígá nɛ fwa ku nɛɔɔ, á yɪ á kúrí ba duɛn wa. Á tɪ ɔ don, á ma kwanɪ ɔ don. Ku nɛɔɔ tɛ yɪ á pubɔŋɪ kukwɪnan tɛ nɛ pɪn, á ma pwèe ba duɛn wa.

⁵ À nubisoni-ba, á cɔga zɛni. Á yèé dɛ, Yɪ kúrí zura, lià tɛ, lɔɔ nɛ tɪ, ba yía yuu. Ba mù zura tɛntɛ keni ba waa ɔ mù Zwezi nɛ wuuu. Ku mù nɛ pɪn, ba yɪ jɪjɛ tìán, ɔ mù Yɪ yáá con. Ku nɛ

súrí lá, ba lià tø wá twá ba dé pàrì dø v mù Yü. Pàrì tøntø ya Yü nø kàn nii, sø v pa lià tø nø, ba nø swø v mù Yü. ⁶ Yá á mù dàñ ba zura zilí, á zunu ba. Á ga yèé zøni dø, jujø tián tø nø yáá dé diàn á yuu wa. Ba mù nø yáá ja aba, ba va lià tø, ba nø bürì bürà, yáá con. ⁷ Mø ba mù jujø tián tø nø yáá kukuli Zwezi yiri nøzønu tø á nø twá ku nø, ba ma yi *Kørisø lià.

⁸ Yü yi più. Yá á fwa zøni, dø á nø twá v nii tø nø. Ku púpóní Yü sagi tø wa, ku wú: «Sóní n yira liù ndø n tøtø nø!» ⁹ Ku mù nø pin, á nø kúrí lià duøn wa, á fwa cuna dø Yü. Yá Yü wá twá v *nii tø nø v biri dø, á yi cuna lià. ¹⁰ Á tíé ku tø, á ma man: Liù don yáá twá Yü nii tø yìèn tø mama nii nø, yá ku tíú ga cøgù tø wa yoo nødv nø, v cøgù tø mama nø, Yü yáá con. ¹¹ Yü tø, v nø wú: «Dàn ká cwàri!» U mù nø kùv wú: «Dàn ká gv dø!» Yá n dàñ nø ba cwàri, n ga gv liù, n jigø Yü nii tø mama cunu. ¹² Yü bürà tøntø wá pa, á tiri á tiàn. Á pian á níé sùràn, dø ku tø á nø fwa, ya ndø lià tø nø, Yü nø wá bürì ba bürà. ¹³ Á nø ba liù yinøgø dæri zønzø, máná tø wa, Yü nø wá bürì bürà, v dø bá dæri á yinøgø zønzø. Liù tø, v nø dæri lià yinøgø zønzø, v wà mε, sø v pa Yü bürà føn ja wá.

Nøtv liù nø wáá v biri dø, v keni v waa Zwezi nø
(Galasi tián 5.6; Ebørø-ba 11.17-19, 31)

¹⁴ À nubia-ba, á tíé ku tø, á ma man: Liù don v nø swìn dø, v mù ken v waa Zwezi nø, yá v ga ba tutønzøjø tynja, v ma biri ku, ku nøtv tø ba दें

jø. Yá ku tíú tē dān ká bún dē, ku wá jon wá v cūna wa. ¹⁵ Á nēnē yoo, sē nē ma man ku: Á mù lià tē, á nē yi nubia *Kørisē yiri, tē wáá á nubiu don á ni, ku tíú nē ba v yira gānè jø, v ga ba v nii wodiu dē jø. ¹⁶ Á wa liù don dān swìn ku tíú con, v wó: «Yi wá pa mú bican sií. Yi nē wá pa mú gānè, v ga pa mú wodiu, n dé n sú». Dē á nē wā wiēn tē pin, tē wá san wá, sē v ma ya luv wa, ku nētv tē ba dēn jø. ¹⁷ Mē ku yi nētv, ku pa á mù Kørisē lià tē nē. Á nē ken á waa Zwezi nē, á ga ba ka tutunzøjē tujā, ku fwa ndē á kúð ba á waa kēni Zwezi nē. Yá ku dān yi ndē won nē tija.

¹⁸ Á wa liù don nē swìn, v wó: «Lià duēn wulē, ba nē ken ba waa Zwezi nē, ba duēn dē wulē, ba nē tujā tutunzøjē». Á mù wá le ku tíú, à wó: «Biri nē, nētv tē liù nē wáá v waa v kēni Zwezi nē, v ga ba tutunzøjē tujā. Yá à dē wá twá à tutunzøjē nē, à biri mú dē, à ken à waa Zwezi nē». ¹⁹ N pin cígá dē, Yi yi nēdv. N fwa zēni. *Zinē dē yèé ku nētv tē, yá fēn yàá ga zv tē.

²⁰ Zibanēnyin tíú, n bá yá, sē n nì naaa? Liù nē kēni v waa Zwezi nē, yá v ga ba tutunzøjē fwa, v nē kēni v waa Zwezi nē tē cici, ba dēn jø. ²¹ N yèé dē, nē nibeε *Abørahāmē ti v biú *Yizakē, sē v ma fwa *jonji Yi jonji bwálí tē yuu wa, v pa Yi nē. Yá Yi dān jēli wá dē, v yi cígá tíú v tutunzøjē tē yiri. ²² N na dē, Abørahāmē nē ken v waa tē Yi nē, yá ku dē v tutunzøjē tē twá duēn. Yá ku yi Abørahāmē tutunzøjē tē nē biri dē, v ken v waa Yi nē cígá cígá. ²³ Mē nētv nē ku twá yoo tē, ku púpúní Yi sagi tē wa, nii

ma sú: «Abørahamø ken v waa Yui nø. Ku mù nø pin, Yui jøli wá dø, v yi cígá tíú v mù Yui yáá con». Yá ba dàn boŋø Abørahamø «Yui dabæ». ²⁴ Á na dø, ku yi ku twá liù tutunzøŋø nø, Yui ma jøli ku tíú dø, v yi cígá tíú nø. Ku tà ku twá liù nø ken v waa Zwezi nø ciçi yiri. ²⁵ Mø ku yin nøtv ku pa, kacwarv tø nø, v yiri nø yi Rahabø. U jin *Yizørayelø* lià tø, ba nø tun máŋá don wa, v tiv wa. U san ba, v pa ba pií ba twá cwøŋø don ba vií. Yui jøli wá dø, v yi cígá tíú nø v tutunzøŋø tø yiri. ²⁶ Á yèó dø, siŋu nø tølé læzwønø yira, v yi v tuga. Mø ku yi nøtv dø, nø nø keni nø waa Zwezi nø, yá nø tutunan ga ba ku biri, nø waa tø yi ndø won nø tuga.

3

Á jana á níó zøni!

(Romø tiàn 3.13-14; Matio 12.33-37)

¹ À nubia-ba, á dànà ká pa, á ya dání zønzøŋ, á nø yi karnyina-ba. Bùrà tø ba nø dànì, sø ba bùrì nø mù lià tø nø yi karnyina-ba tø, diàn wá doni ba duøn tø nyiøn. ² Nø yáá fwa cuna yiri yiri næ kapupv. Liù nø ba v sùrán swìn v fwa cuna tø wa, ku tíú tø yi liù tø, Yui yìøn tø nø biğa v yuu wa, v ga wáá v tiàn yoo mama wa. ³ Nø yáá kø kwiòn sisan nii nø, sø nø pa, ka sèe nø nii, sø nø tiri ka mama míámíán. ⁴ Á nøŋø níá yuu bori nø dáá nøtv! Ku dø ku dání tø mama, ku jø volan

* **2:25** 2.25 Lià tøntø yá yi Yizørayelø lià nø tun ba, sø ba dí yáá ba va ba ywån Kanan luv nii tø. Mø ku luv nii tøntø wa, ba yá mæ, sø ba va ba ya. Yui yá kàn nii dø, v wá pa ba ku luv nii tøntø.

ku wa. Liù nè jø ku volan tørtø nè, v wàá v pín, ku vèli bwálí tø, v nè pià. Voo nèfarv nè swø ku yugø ku nøtv mama, ku yi ku bwálí tø, liù tø nè kèni ku nè, ku yàá vèli. ⁵ Mø læzwønø nøndøli yi nøtv, ku yi nømanbiø, ku yoo ga cà. Á nèjø, ku nytn ndø mønþwana nè, ku wàá ku pín, gau nèfarv kwé møn. ⁶ Læzwønø nøndøli yi ndø møn nè, luv cuna tø mē wulø ku wa. Møn tørtø yi tø naŋa møn diè. Mø tø mù cuna tørtø, nè yàá cùgù nè mu tø mama, ku nè zigi nè luri, ku vèli nè tian. Ku ga yi nè yira tø wa wobio don. Ku cuna tø yàá pwarí nè yira tø mama. ⁷ Læzwønø wàá diàn, v dé vana yiri mama yuu wa. U wàá diàn, v dé gau vana, dø zuŋi dø wonønen, dø níá wa wiøn yuu wa. U cígá ga dé diàn tø wiøn tø yuu wa dø. ⁸ Yá læzwønø tøló, v nè wàá diàn, v dé v nøndøli yuu wa. Ku yi wolwan tø, liù nè wari v janí, v pín ku ziga yáá nødv. Ku súé dø cwan, ka nè li mu. ⁹ Nø bwí nè *Yuu-Tiu nè, v nè yi nè nytna, dø ku nøndøli tørtø. Yu fwa læzoni ndø v nytnyiga nè. Yá mø ku nøndøli tørtø tøtø nè, nè ma ziri, nè kèni ba nè. ¹⁰ Bùrà dø zira naŋa ku nii nødv tø wa nè. Á nubia-ba, á dانا ká pa ku ya nøtv dø aba. ¹¹ Nazøjø dø nakukwínan wari nabuliyii nødv wa tø naŋa. ¹² Á nubia-ba, kapírv wari síán ku zija. Nø à yèó kacuv wàá kapíra ku zija. Nacwøjø tø ku níá nè yi nakukwínan wari nèzøjø ku buli abada.

*Wubvja tø, Kørisø liù nè mē, sø v ja
(Efzø tián 4.1-3; Filipø tián 2.3; 1 Korøntø
tián 3.3; 1 Piyerø 3.4; Romø tián 14.19)*

13 Liù wulə á wa, ku tíú nə jə wubɔŋa naaa? Liù wulə á wa, ɔ nə jə yənu naaa? Ku tíú mə, sə ɔ ya bwàbwà, ɔ ga twá ɔ tɔtɔnzəŋə, ɔ ma bɪrɪ də ɔ jə wubɔŋa. 14 Á nə jə wɔgwɪɔ, á nə jɪga də duən nə, sə á doni duən, á dàń mə, sə á yá fwɪə tə nə. Yá á dànà ká kɪnɪ kɪnkɪn, á zɪɪ ɔígá tə nə. 15 Ku tíú wubɔŋa təntə tà ku nan Yɪ, ku yɪ *Sɪtana nə pɪn ku wá. Ku yɪ tɪa yuu yìèn, ku ga yɪ ləzwənə fɪra yìèn. 16 Yoo mama yɪ gurə gurə, bwálí tə nə wɔgwɪɔ nə wulə, là tə ga jɪga də duən, sə ba doni duən. Yá yokɔkwɪnan yirə mama wulə ku bwálí tə nə. 17 Liù nə jə Yɪ wubɔŋa tə, ɔ bɪcan yɪ nəpon. Ku wubɔŋa təntə kəni sɪé là bɪcanɪ wa, ku ga pɪn ba waa bwàni duən yuu wa. Ku mù nə kəni nɪmarɔ là pwərə wa. Ku pɪn là dəri duən yinəgə zənzən, ku yoo ga zɪən. Ku mù wubɔŋa təntə ba là kúrí duən wa, ku ga tà níé bələ tíú wubɔŋa. 18 Là tə, ba nə swə bɪcan sɪé, ba mù nə kəni tə sɪé təntə, ba mù də ba yɪra là pwərə wa, ndə ba nə dùè wɪən. Yá ku tə, ba nə wá na, ku wá bɪrɪ də, ba yɪ ɔígá tìán Yɪ yáá con.

4

Liù nə tɔŋa ɔ pùé yokɔkwɪnan fɪra, ɔ ba Yɪ nɪi zɪlí

(1 Timote 2.8; 1 Zwan 2.15-17; Likə 18.13-14)

¹ Jara də jaŋa wulə á pwərə wa. Tə yìèn təntə nan yèn tə bà? Ku yɪ á pùé yokɔkwɪnan fɪra nə pɪn, ku yɪ nətɔ. Tə yìèn təntə nə wulə á yɪra tə wa, tə pa á zɪga duən nə. ² Á yíá zua là wɪən, á ga wàrɪ tə á nɪ. Yá ku dàn pɪn á jì lagura. Á súé

də wɔgwɔ, á ga wàrì wiən tə, á nə pià á nɪ. Kɔ pa jara də jaŋa zàn á pwərə wa, kɔ yoo tə yɪrɪ. Á ba tə wiən tə jə, á wà tə lòrì Yɪ con yɪrɪ. ³ Mánjá tə, á nə lòrì də, á ba nɪ, á pubɔŋa tə nə ba ziən yɪrɪ. Kɔ yɪ á lòrì, sə á ma tun á pùé yokɔkwɪnan fɪra.

⁴ Á yá Yɪ, ndə kacwarɪ nə yá ɔ barɪ nətɔ. Á yèé zəni də, lɔɔ kɔ tə wiən tə sonu yɪ Yɪ dɔŋɪ. Liù tə, ɔ nə pià, sə ɔ twá lɔɔ yìèn tə tə kwa, kɔ tíú wá jì Yɪ dɔŋɔ. ⁵ Á dànà ká bún də, kɔ tə Yɪ nə swìn ɔ sɔgɔ tə wa, yɪ tutɔ. Kɔ swìn də, Yɪ súé də wɔgwɔ nə siŋu tə fɪra tə yɪrɪ, ɔ nə pɪn nəba. ⁶ Yá kɔ tə nə dwə tə mama, kɔ mù nə yɪ pubwanɔ tə, ɔ nə pɪn nəba. Kɔ swìn Yɪ sagɪ tə wa kɔ wó:

«Yɪ zɪga lià tə nə, ba nə jə fwiə, ɔ ga fwa pubwanɔ ba tə, ba nə mun ba tiàn yɪra».

⁷ Kɔ mù tə yɪrɪ, á zɪlí Yɪ nii. Á viá *Sɪtana con, ɔ wá dəri, ɔ va yɪŋɔni, ɔ yá aba. ⁸ Á twənə á yí Yɪ yɪra, ɔ də wá twən ɔ yí á yɪra. Cɔna lià-ba, á liá á jìàn durən wa. Pwíí bələ tiàn-ba, á liá cɔna á bɪcanɪ wa. ⁹ Á pɪan á yinəgə ja á tiàn. Á kənə á tiàn lúé wa, á kwíó! Á mɔmɔn wá jì kwirə. Á pupwən wá lwàn ka jì pucɔni. ¹⁰ Á muŋə á tiàn *Yuu-Tiu yáá nə! Yá ɔ wa zìn aba.

Á dànà ká cəgə duən!

¹¹ À nubɪa-ba, á dànà ká cəgə duən! Liù tə, ɔ nə cəgə ɔ don, ɔ nə yɪ ɔ nubiu *Kərisə yɪrɪ, nə à yèé ɔ nə bɔrì ɔ bɔrà, kɔ tíú yɪ yoo tə, Yɪ nə pɪn ɔ *nii tə, kɔ yuu wa ɔ cəgə. Kɔ ga yɪ Yɪ nii tə bɔrà nə ɔ bɔrì. Yá də liù nə bɔrì Yɪ nii tə bɔrà,

ku tíu kùò wàrì ku nii təntə nə v twá. U dàń yí ku b̀̀rà nə v b̀̀rì. ¹² Yí cici nə pín v nii là nə. U mù cici nə wáá là b̀̀rà b̀̀rì. U mù cici nə wáá là v jəŋə ba cuna wa. U mù cici nə wáá ba v c̀̀gà də. Sə n mù! N mù nə yí wáà, n ma b̀̀rì n don b̀̀rà?

Á dàná ká ya fwiə là!
(Likə 12.16-20)

¹³ He! Á mù, á c̀̀ga nə síún nə! Á mù là tə, á yáá sẁ̀n, á wú: «Z̀̀n, nə à ỳ̀é jwian, nə wá va tu ku tə, nə à ỳ̀é ku tə. Nə wá fwa b̀̀nı lá, nə wá yoli wiən, nə ga wá na nywarı nətən lá». ¹⁴ Á mù là tə, á nə ỳ̀rì won tə nə wá yí á mu tə jwian nə. Á yí ndə fanyu nə, ku dání mancın, ku ga p̀̀i ku jén. ¹⁵ Á me, sə á sẁ̀n, á wú: «Də *Yuu-Tiu nə swə nə mu tə, nə wá ya luv wa, nə wá fwa ku tə də ku tə». ¹⁶ Yá á mù con ku tà nətı. Á yí fwiə là, á ga tə bwı á t̀̀àn nə, də ku me. Á nə z̀̀n á t̀̀àn nətı tə, ku yiri ba z̀̀n. ¹⁷ Lìù tə, v nə ỳ̀é z̀̀ni tə, v nə me, sə v fwa, yá v ga ba ku fwa, v ken v t̀̀àn cuna wa.

5

Á zurə á yıra, jıjə t̀̀án-ba!
(Matıə 3.5)

¹ He! Á mù jıjə t̀̀án-ba! Á bubwiə á kə yí nə zənzən, pucunı ỳ̀èn tə yırı, tə nə wá yí aba! ² Á jıjə wiən tə púá! Kwiu dí á ganan! ³ Á səbiu tə dí sınıv. Ku sınıv tə wá ya won tə, ku nə wá pa ba b̀̀rì á b̀̀rà. Ku wá ya ndə mən nə, ku dé á yıra tə. Luv zanı máńá bwələ, yá á mù tə wulə

á pèe wiøn tø, tø kwønø nø dáá, á pun á tìàn nø.
 4 Tùtùná nø tun á kárí wa, ba cø tø wiøn tø, á ba
 ba ñwín. Ba lià tøntø, á nø wà ñwín tø, bubwiø
 ðìgà ka tu *Yuu-Tiu zian wa. U mù nø wulø tø
 me yuu wa. 5 Á wulø luv wa, ywání dø jujø fira
 wiøn wa. Á dí zøni, á nwi ndø våná nø, ba nø
 kunu, sø ba gv ba dé. 6 Á bürì lià tø nø yi cígá
 tìán, ba nø wà yoo cùgù, bürà. Á gua ba, ba ga
 wà ba tìàn nø cì.

Pínú dø yijvni

*(Ebøø-ba 10.35-37; 6.12; Zwakø 1.12; Matìø
 5.33-37)*

7 À nubia-ba, á jana pínú, á ma diàn *Yuu-Tiu
 túrí tø. Á nøñø, valv nø jø pínú nøtv. U yàá diàn
 v kárá wiøn, tø bà tø bñ zøni tø pa wá. U yàá
 ja v tìàn v diàn tøntøen dwèe tø dø talikwa dwèe
 tø nø yàá nà. 8 Á ziga diàn. Á dø me, sø á ja
 pínú nøtv, Yuu-Tiu túrí diun tø nø bwøø yiri. 9 À
 nubia-ba, á dànà ká ñøñwun duøn pwøø wa, sø
 Yu dân ká bürì á bürà. Yuu-Tiu, v nø bürì bürà
 tø, túrí bwøø. 10 À nubia-ba, Yu nii *sùsùnà tø
 swìn Yuu-Tiu yiri. Ba dí càn, yá ba ga ja pínú. Á
 tíé ba càn tø, dø ba pínú tø, á ma man á tìàn, sø
 á dø fwa ndø ba nø. 11 Á nøñø, nø wàá nø swìn
 dø, ba yi lià tø, ba nø yi pupwøn lià, ba nø zigì
 diàn ba diàn tø yiri. Á ni dø, ba nø swìn Zwøbø
 pínú tø yoo. Yá á ni ku yígúré wa, ku tø Yuu-Tiu
 nø tvn v pa wá. Cígá, Yu ywàñá nø yoo zøni. Yá
 v ga dæri nø yinøgø zønzøn.

12 À nubia-ba, ku tø nø dwø tø mama, á dànà
 ká tì yi ku tø, nø à yèé tia ka tø, nø à yèé won

yiri don mama yiri, á ma dù. Á nè sèe yoo, sè á le: «Awo!» Á nè wà ku sèe, sè á swìn: «On on!» Á fwa ku nèt, sè Yı bürà tē dān ká ja aba.

(Marøkø 11.24)

¹³ Liù nè wulə á wa, v wulə càn wa, sè ku tíú jun Yı. Liù nè wulə á wa, v nè jø pupwən, sè ku tíú nun nuŋi, v ma bu Yı nè. ¹⁴ Liù nè wulə á wa, v nè yì, sè ku tíú bon *Kørisə lià púlí yáá tián tē, sè ba kə nuga v yuu wa, ba lòrì Yı ba pa wá, dē *Yuu-Tiu yiri tē. ¹⁵ Ba nè ken ba waa Zwezi nè, Yuu-Tiu wá pa, ku tíú na yazurə, v ga zàn. Yá v nè fwa cuna, Yı wá sèe v kwen tē v mù dē wá pwərə wa. ¹⁶ Á dān swián á cuna, á buri duən, á ga jun Yı á pa duən nè, sè ku pa á na yazurə. Cígá tíú yijuni tutvŋi jø sanv zenzən. ¹⁷ Á lie Yı nii *sùsùnù Eli yoo. U yin læzwənə ndə nè nè. U lòrì Yı, sè dwà dān ká nà. Yá dwà wà nì tia yuu wa, ku nè zigi ku máŋá tē wa, ku ja va bina batwa dē cànì bardv. ¹⁸ Ku kwa nè, v kùv lòrì, sè dwà bà ka nà. Yá Yı kùv pin dwà bà ka nà. Wiən kùv pén tē zìn bia tia yuu wa.

Talikwa tutvŋi
(1 Piyerø 4.8)

¹⁹⁻²⁰ Á nubia-ba, á wa liù don nè dugv Yı cígá cwəŋə tē, liù don wáá v pii v ja wá, v twi ku cwəŋə təntə wa. Ku tíú tē mē, sè v lwart dē, v nè pii v ja wá, v nan v jun tē wa, v bà Yı con tē, v jon cunv təntə tian jun wa. Yá v cuna nè swə tē dáá nət yiri mama, Yı wá sèe v kwen tē v mù dē wá pwərə wa.

Yu soywánó sagı
Nuni, Southern: Yu soywánó sagı New Testament
Le Nouveau Testament en Nun

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 30 Sep 2022 from source
files dated 8 Feb 2022

d18530a7-7259-5f23-92b6-70e3abe5f3fa